

so gewaltig hat herhalten müssen / vnd  
 niemand ist gewesen / der den Lästernäus-  
 lern das Maul hat stopffen wollen / so  
 habe ich / wann mir Gott das Leben gön-  
 net / etliche seiner fürnehmsten Bücher zu  
 expliciren vnd zu beweisen / daß er kein  
 Lügner oder Verführer / sondern ein  
 Wahrhaftiger / vnd in dem Liecht der  
 Natur hocherfahrner vnd frommer Mann  
 gewesen / vnd an seinem Büchlein / wel-  
 ches er Cœlum Philosophorum, oder  
 Librum Vexationum nennet / einen An-  
 fang zu machen / vor mich genömmen :  
 Aber nicht also will oder kan ich beweisen /  
 daß er Gold vnd Silber in grosser Men-  
 ge hätte machen können / davon er auch  
 nichts schreibet / sondern allein anzeigt /  
 daß es zu thun möglich sey ; welches al-  
 lein / nemlich die Müglichteit / ich vor-  
 genommen habe zu beweisen / ins grosse  
 aber zu thun / ist es mir noch zur Zeit auch  
 nicht bewust / bekümmere mich auch so  
 sehr nicht darumb / sondern lasse mich be-  
 gnügen / daß ich die Wahrheit von der  
 Lügen zu vnterscheiden wisse / vnd auch  
 andern Ungläubigen solches beweisen /  
 A v vnd